

薦舉

政事

撥繁

用人

鎮靜

辨誣

善處事

信

獄訟

使命

救荒

後自警言編

數

卷一

卷一

卷一

卷一

卷一

卷一

卷一



後目錄言編卷之十一

薦舉辨証

用人室獄訟命少時與燕趙大王同食而燕趙命夢

善事處黃龍在其傍顧視之則上也由是奇之相定

使命為及上即漢錫命罷事陳後十年為知事

政事知款政府事無判六曾事近代人無此為承

鎮靜時上曰誰人代君喉舌朴公以朝廷無可者

信代朴公為承旨痛齊策話

救荒城堯堪文章經濟之才俱贈常自韓國士其

救弊人功許可獨與伯氏為列頑夫貴氏為邪不

姓張

姓張

姓張

姓張

姓張

姓張

姓張

姓張

姓張

目錄

姓張

姓張



後自警編卷之十一

薦舉

朴三宰錫命少時與恭靖大王同衾而寢錫命夢見黃龍在其傍顧視之則上也由是奇之相友益篤及上即位錫命罷韋隆極十年為知申事陞知諷政府事兼判六曹事近代人臣無比為承旨時上曰誰人代君喉舌朴公曰朝臣無可者唯承樞府都事黃喜真可人也上遂用之未幾代朴公為承旨

慵齋叢話

李廣城克堪文章經濟之才俱贍常自稱國士其品藻人物少許可獨與伯氏為刎頸交廣成為都承



旨伯氏為右丞旨廣城愛一角妓蹤跡詭秘伯氏  
尋知所徃作詩云衙罷歸來日欲低名花國士兩  
相携誰家巷裡藏車蓋司醞東邊禮部西潛以詩  
付其壁廣城見之裂取莊袖裡自是尤以意氣相  
許及廣城遠任世祖問代君者誰人廣城啓曰  
無如成某之賢伯氏超拜都承旨上同

以咸鏡觀察使鄭光弼為右叅政乃領叅政成希顏  
之薦也有器局善應接言貌休休而畦畛甚嚴希  
顏常服其量度謂如光弼可謂聽於無聲視於無  
形敬之如神明至是力薦之由監司而加階加階  
而為贊成贊成而為政丞皆希顏之力也三公有闕



朝野皆屬望領事金應箕希顏獨揚言曰今日擇相當以光弼得陰厓雜記

庚午三浦倭奴之叛也柳公聃年方為兵曹判書

靖陵將引對公卿訖其証討三公先問公曰誰人堪為防禦使者合即對曰一路則小的當往禦之一路則自有堪當者三公問為誰公曰言之則必爭毀之就上前啓之及對上果問誰可任為將公曰左路臣自當之右路則有可用之人人必以為不可上若排衆論而用之臣當舉之不然則不敢言矣上許以不撓公乃曰前承旨黃衡是也左右果曰是嘗以搥婦翁見矣不可收用公

曰今有孝己尾生之行無益於成敗則不足用也  
設使衡有是時方急不足計他矧無其惡耶二郊  
矣干城自古非之成昌山力贊其訖衡遂與公為  
左右防禦使徃勦其賊國家賴以無事公之力也  
識小錄

朝家命選遺逸京畿觀察使尹鉉以成渾應命曰遺  
逸之士今世難得有成渾者於學問深有自得之  
妙可謂遺逸之次云栗谷聞之笑曰學問深有自  
得之妙者遺逸之士所不敢當也反以為亞於遺  
逸也同人止監司曰成渾是學者也暴得善名豈  
不可恥乎此人當使之安靜以期成就監司尹鉉



不聽曰州牧已執不可中格

栗谷外集

李文純之乞退也上引見問曰卿於朝臣無可薦  
者予對曰今日在大臣之位者皆清慎六卿無邪  
慝之人至於首相李浚慶危疑之際不動聲色而  
措國勢於泰山之安訖柱石之臣所當倚重者非  
出於此人也上又問學問之人對曰此難言也  
程門如游酢楊時謝良佐張釋李籲尹淳諸人不  
為不多而程子不敢輕許以有所得臣豈敢上欺  
天日以某人有所得乎如竒大并博覽諸書於理  
學所見亦超詣乃通儒也但收斂工夫少耳

東閣雜

記

尹斗壽入對曰光州牧使權慄有氣骨有度量將師

才全羅監司非此人不可遂以慄為巡察使寄齋雜記

栗谷癸未為太學士宣廟將講綱目命選才臣畀

之肄習栗谷訖薦白沙漢陰兩公後白沙為漢陰

誌云有一宰相夜訪栗谷屏人曰兩李果有人望

未知意向不可輕薦致壞時事栗谷曰二人聲譽

方盛何可蔽賢且薦人貴得才何論意向其人至

夜半爭之不能得南溪記聞

丁酉八月開山敗執至朝野震駭上引見備邊諸

臣問之羣臣惶惑不知所對慶林君金命元兵曹

判書李恒福從容啓曰此元均之罪唯當起李



舜臣為統制使。自從之。復起李舜臣為三道水軍

統制使。破倭兵于珍島碧波亭下。

懲惡錄

辛丑八月。晝講時。黃公慎曰。近日守令除拜。自上

特命懸錄薦舉者之姓名。蓋出於慎擇之意。而竊聞銓曹守令薦。只有庚子辛丑兩年置符而已。交以前則皆無在者。近日守令有闕。則例以此兩年被薦者擬望。其他曾經守令有聲績者。亦不得擬望。以此可擬者。乏少。當初慎擇之意。反為苟充之弊。不可不速為變通。且前日守令薦。皆是循例泛然薦。亂今須申明薦亂之法。使知并罪亂主之意。更使各薦所知着案。亂行則薦亂必操心而不敢。

妄為矣

秋浦畫講時所啓

竹窓閑話云余高祖執政公為黃海監司時尹相仁  
鏡為都事高祖到畧尹公行迎命之禮高祖見其  
風度邈遠視瞻不凡深加器重待之殊札且以母  
夫人年老窮居以封珍羞連絡優送尹公心常感  
激時海州牧使文官有才望者歇看尹公秉醉面  
侮曰使相有何所見待都事至誠尹公曰亦吾不  
知時稱長者之言高祖瓜蒌還朝未幾為吏曹叅  
判力薦尹公始通顯路尹公事高祖平生執子牙  
之禮輿望日重歷敷臺閣十餘年間驟升宰列嘗  
為京畿監司其時海牧又為廣州牧使低徊舊秩



心甚忸怩謂人曰李政丞真聖人也何以知尹公  
之遠到蓋高祖時為政丞也高祖捐館尹公已躋  
六卿極力護喪每於諱日備物助祭終身不怠高  
祖子孫視同一家凡有干請非大段難行之事則  
無不曲從其視末世背恩忘德者豈可同日語哉  
尹公天性至孝又能睦族頗有時望嘗以領相無  
管內外中朝大漸之時進御藥物必齋宿親自  
監劑人以為誠孝所推云及卒謚孝成然乙巳忠  
順之對得罪公論勲爵并削奪云

選將之法似宜下備邊司使各薦一人又下書八道  
方伯審察守令諸將愛養士卒力戰有功者列其

功能而上之就其中加慎擇而用之則庶幾名宗  
相符不眩於毀譽矣國家自數十年來注意擇將  
不愛高爵厚祿金章相望而不思報效唯以酣飯  
富貴愛身自私為事卒遇變故率皆臨陣先走為  
士卒倡以至於宗社丘墟可勝歎哉大抵已貴  
之人風群氣習汨沒已久難以倚靠不知草萊寒  
士慷慨奮厲鼓勇先登者之可用朝廷拔擇而器  
使之獎厲而委任之則名將出於其中矣我國家  
昇平二百年恬嬉之勢衰微至此當今力戰方始  
選將擇帥最是急務不可不盡心於今也

牛溪

用人



具忠烈公致寬性方以公正審判吏曹關節不行前  
此長銓曹者例於除授之際親執官案恣行臆  
亞官以下袖手傍觀公嘗憤之思欲矯其弊凡進  
退人物時採羣議雖小官卑職未嘗獨薦又不以  
私恩貸親曰嫉人干請有或干請當遷不叙時居  
正為叅議一日在改房邊醉睡公厲聲曰叅議謂  
致寬注擬人物恣行臆不欲與聞耶他日有用  
人之失叅議其曰在家不知耶嘗說一文士知名  
者為臺官駁者曰此子滑稽不可公曰若然則漢  
武帝何取於東方朔耶竟擬金官又一文士調外  
郡教官十年不遷公欲擬縣職駁者曰此子透濶

不可公曰天道十年必復安可使人久屈如是遂  
擬縣職果有治效公之用捨一出至公如此筆苑雜記  
韓文靖公繼禧在選部注擬人物一出至公黜奔競  
抑僥倖其所甄拔皆一時名士朝臣或有為子茅  
求官者公不甚拒之曰古人云內舉不廢親子茅  
尚賢則言之者非過而用之者非私苟以為膏粱  
子茅而稍存形迹非知用人大體者也於是隨  
其子茅之賢否而用舍之人服其度量然不以私  
恩貸親旧門庭蕭然閑節不到物論多之上同

李灘叟廵慶為校理中廟嘗御夜對有啓者曰方  
今欲致太平須擇相當代茅一人廵慶進曰是指



趙光祖也。光祖誠賢矣。然今之用人，頂踐歷多人，望洽然後可授大任。光祖聞之，馳見迺慶，泣謝之。及黨禍作，南袞、李瀛等錄啓流竄，人姓名迺慶為之首。御筆抹去，且教曰：迺慶予知其為人，其勿竄。

東閣雜記

安貞愍公塘判吏曹先是銓官注擬視托屬高下如合薦及有功當錄者沉而不舉，公慨然矯弊一斷以合閔節，不敢干趙公。光祖及金湜、金大有輩皆公所薦，擢時詎益推重。神道碑

李相國鐸判吏曹，一主公論，建白才行之士不拘試才與否，皆得除官職者，是之或尤其創新。公曰：不

如是無以䟽滌痼習由是名士不沉於下庶官得  
人近掌銓者無出其右名臣錄

李士亨守抱川進萬言䟽論用人必當其才一款有  
云海東青天下之良鷹也使之司晨則曾老雞之  
不若矣汗血駒天下之良馬也使之捕鼠則曾老  
猫之不若矣况鷄可獵乎猫可駕乎東儒師友錄

侍臣有建白請依祖宗古事以未出身有學行者  
叅補全職上問右叢政盧守慎曰此言何如守  
慎對曰臣意則以為可行但此在聖斷耳乃命叢  
于諸大臣李台擇獻叢曰帝王之用人惟在於得  
人何関出身與否乎苟有力學踐履恬靜自守無



意銜王者則雖置之公輔可也何獨臺職乎近來  
專以科第用人才德之士多沉而不揚至於曹植  
乃一時遺逸而除拜不過冗官終不得吐一言而  
死此賢士所以不至也自今全官叅用未出身人  
一以復祖宗之規一以恢用人之路則豈不有  
光於聖治乎碑名

南溪記聞云仁祖反正元勳金昇平李延平以下  
皆出於西邊初政首相完平之外繼昇者又為尹  
海昌及外王父象村吳楸灘諸公仁祖意其或  
為偏重一日以書密問於旺舅西平府院君韓浚  
諫曰今日用人無乃有後弊耶對曰當局大臣皆

是一時人望又能盡心國事願上勿疑而用之  
自此仁祖於用舍無貳慮唯見有彼此傾憂之  
端者必痛加懲斥故羣下終其世亦不敢輒肆私  
意也

張玉城晚今上龍興起拜元帥之命公天姿爽豁

有文武才略能任權濟事尤長於御衆久掌兵柄  
中外武士無不隸公麾下而公待之一以恩信又  
能隨才任使操舍弛張各得其宜事推功善故之  
下以故人皆樂為之用其為將未嘗妄殺一人推  
誠為人使各盡其力能甲子之變有賊謀來報公  
獲之不殺引入卧內披襟視之曰便一刺我子其



人匍匐請命曰：公即不能刺我，能為我用乎？其人感泣，願效死。遂草檄付其人，還諭賊中。南鄭二將殺有隙，及出師，公以忠義勗二將。感公言，約為兄弟。卒成平賊之功。

碑銘

### 善處事

芳碩之變，太祖矣。位奔于成興，太宗屢遣中使問安。太祖患甚，輒寧弓以待之。前後相望之使，未敢導達其情。獨谷成石璘乃太祖旧交也，自請往期回天意。太宗乃許之。石璘騎白馬，衣布衫，若過客。然下馬，燃火為炊飯之狀。太祖望見，使中官往見之。石璘乃以目事過行。日暮，秣馬留。

宿為辭中官如言以啓太祖太祖喜甚即引見石璘因從容開陳人倫處變之道太祖乃變色曰爾無乃為爾君緩頰耶對曰臣若果然則臣之子孫必喪目為盲太祖信之兩宮從此遂合後

石璘二子果喪目

野史之流

許文敬公稱操心清厲治家四而有法教子牙皆用

小學之禮毫忽細行皆自謹人言許公平生不知陰陽之事公笑曰若我不知陰陽之事謂訥何從而生時有欲革州邑娼妓之詎命問於政府大臣皆言革之為當惟未及於公人皆意其猛論公聞之乃笑曰誰為此策男女人之大慾而不可禁者



也州邑娼妓公家之物取之無妨若嚴此禁則年  
少奉使朝士皆以非義奪取私家之女英雄俊傑  
多陷於辜臣意以為不宜革也竟從公議仍曰不  
革懽齋叢話

河襄定谷敬復以武能拔擢大顯嘗出鎮東北面有  
野人以三百斤強弓請公膏之者公為置酒歛飲  
且語曰此弓制作甚妙急呼弓手依樣制造潛令  
人爆之筋力少解遂容引滿野人叩頭下拜筆苑雜記  
韓忠成公明澮計慮出於人嘗與申文忠公侍光  
廟曲宴酒酣上拉文忠之臂劇飲曰渠亦拉予  
臂文忠醉甚於袖裡持上臂上曰疼疼睿宗

時在傍變色

上諱呼睿宗曰我則可汝則不可

極歎而罷到家忠成謂閻曰泛翁例常雖醉稍醒則必起坐點燈閱書後乃寢今日則不可以吾言止之閻往則果然夜中上酒醒使中人視之則申亦醉寢云謾聞瑣記

忠成與文忠連婚權翼平久欲與忠成婚忠成難於拒辭防諸文忠文忠曰此易耳何不答以吾三人一体同功既與申結姻又婚於君則上無乃置疑於三人之密耶遂如言答之權瞿然曰吾思不至此上同

許忠貞公琮陞永安觀察使秩滿當遷命仍之將行



尼个還部署畢十月興師城底部落受約束者數  
千矣前鋒至何順江邊得鯁魚百尾積江岸又見  
人馬跡蹤橫在池上甚多諸將皆曰虜已覺我必  
據險邀之將柰何公笑曰諸公且無恐前在鏡城  
有熟戶謁我云聞師期捕魚何順江藏野芹以擬  
犒師者必此也諸君始安宗未有此事而公之臨  
撓應變如此

碑名

鄭蘭宗為北道兵使嘗得重病幕僚欲以上聞蘭宗  
止之曰本道密通胡虜朝廷若聞主將病重必貽  
憂念姑覩我病至不可救然後馳啓可也未幾獲  
療

東閣雜記

世祖朝尹坡平弼商以刑房承旨入直適值夜氣寒  
口揣知上意當恤獄囚意有問因之事考京外囚徒罪犯  
輕重錄於小冊子置于几案而卧夜五鼓內傳教  
促召刑房承旨入內坡平顛倒衣冠袖取錄囚小  
冊子而入內官引入于大內御寢殿廡下俯伏  
世祖臨窓教曰今夜天寒倍甚燠室重裘亦所不  
堪况行獄罪囚觸冒寒風慮有凍死之弊遠外不  
可及也京獄見囚輕罪幾許重罪幾許其速盡錄  
以啓坡平即應對以啓曰臣方任刑房刑獄之事  
乃臣職分也常留心於此已知厥數即見錄囚歷  
數以啓曰某某司犯某某罪被囚者幾人語未畢



世祖大驚異，忽拊憲命入寢內，坡平俯首入伏，流汗沾背，命賜酒進爵。世祖回顧向內，語曰：「此乃吾寶臣也。」坡平始知。貞熹王后御坐密邇，也益惶慎，同措而退。自是不次擢用，未久超拜崇品，可知君臣知遇，亦自有機會也。思齋撫言

咸東原禹治，嘗為全羅道監司，有閥閱兄亨爭釜，大

小訐於官者，咸怒，命吏亟取大小二釜來，曰：「當擊碎均其介，而分之。」二人服訐，遂亡。筆苑雜記

一蠹

鄭文獻公汝昌

先生母家蓄積有餘，咸陽四隣之人皆

出債焉，合謂其券曰：「母氏歛散之際，怨必及於民，於是歛散文記投諸烈火之中，鄉人必為難也。」母

生時常悶汝昌不治生產別儲綿布粟租於一庫  
以為身後汝昌之資母歿家人指以告公二弟亦  
讓於兄公歎曰母在時予豈有私財耶無重吾罪  
遂分供喪費無餘焉

東坡師友錄

李

判書紆號陰厓能文章登魁科曰毅忠正時人皆

以遠大期之與金安老有姻婭之親且同學於朱溪  
君平生所為薰蕕相及安老每有忤害之志而以公  
守正無可乘之隙及正德己卯諸賢斥死之日公  
亦罷黜居龍宮縣至嘉靖丙申安老以左叢政受  
由掃墳于咸昌地先送人於台告以當於旼途歷晤  
疇昔云而其宗忌惡而探試之也公先見其肺肝



將過之朝乃以槐花湯沃面擁衾而坐與之相接  
安老執手極其懇懇垂淚告別出而謂人曰陰崖  
谷已矣無足慮也君子於小人有時自晦而避禍  
亦一其道也

松窩雜記

乙巳錄勲之日大提學當製教書而申光漢把筆呻吟  
仍謂提學崔演曰老夫自去夜得病氣甚不平  
未能搆思令台須速製進使無窘急之患崔遂代  
製申既錄勲之後所分逆賊子孫及奴婢皆許自  
便行止一切不使應役而其時人無得以知之平  
生以歇得名而處事事如此人所不可及也

寄齋雜記

前言徃行錄云己卯舉事夜當事宰相等啓罷藝文

苑招吏曹即為即日政具斯文壽福時為郎承辟  
至闕抗辭以為若盡罷史官則今日記注誰當修  
之不署教下當事革大怒欲治以承傳逆拒之罪  
時夜曉鍾鄭領相光弼始入闕庭斯文近告以故  
領相曰諾亦無一言領相入賓廳當事革首舉是  
事哮怒吃勃領相亦大怒呵呵彼革之心固亦少  
洩天明大詔批啓領相曰主上方震怒此等事則  
泛而治罪未晚因以遷延不即被斥亦無大罪幸  
也領相臨機處憂佑賢輔國濟物布德包荒擾暴  
如此

乙丑 明廟不豫而儲嗣未定中外惶惶聞政亟箕



時在卿位密謂首相李浚慶曰上疾彌留公當  
國何無社稷之憂李公大悟入請繼嗣一天語已  
不可辨仁順王妃曰順懷世子卒後上見德  
興君第三子歎曰真人已出我子宜死浚慶曰天  
意在此矣遂命將扈衛于宣廟潛邸明廟不  
知也疾間開筵閣公自請以特進官入侍李公頓  
首於上前曰王候違豫舉吐恐懼皆以旺本為  
憂臣待罪大臣不得不為宗社計王色不悅曰  
予病豈至於死而大臣豫為此事歟閣公自袖中  
出大學衍義定旺本奏進曰太臣謀旺豈顧身計  
古今亂亡恒由繼嗣不定若覩此書則聖人當

自知之。明廟諱親色康曰首相以身徇國可謂社稷之臣也。仍命經筵講大學衍義賜閔公豹皮。衍義進講自此始。宣廟登極閔公首入相府。

涪溪記聞

明宗大王昇遐大臣使承政院都承旨李陽元同副

承旨朴素立注書黃大受及侍衛將士迄今上

于德興邸陽元只受往迎之命不問迎某君而往

出黃大受執陽元帶問曰何以不問當迎某君耶

陽元曰已定之事不須問也大受曰雖已定不可

草草及問大臣曰當迎德興君茅莪子乎大臣曰

河城君也大受遂書于紙示大臣而袖出陽元

等至闕門無馬從德興邸在社稷洞去闕西門不



遠陽元等欲步進大受曰事雖倉猝不可失僅以  
駭瞻視陽元曰何處得馬時百官多入闕散笑馬  
從在門外大受乃得馬從與二承旨俱騎至邸則  
侍衛未集雜人闖入天曙衛士始至陽元不明言  
迎某君只呼上舅鄭昌瑞通謁而已大受曰當通  
謁于誰耶如此大事不可糊塗古人有褰簾然後  
乃拜者宮中有王孫三人豈可不明言乎當請  
三王孫皆出親見然後乃可扈衛陽元不從問昌  
瑞曰何君裝束昌瑞曰前日所定河城君也大  
受復力言當先見天顏陽元等乃請見時雜人  
妄言扈從者當錄功於是全集記名以授宮奴朝

士亦有求錄者宮奴以錄名之簿授大受曰嗣子  
命莊之矣大受不受曰嗣子今日豈有命令耶  
宮奴乃授朴素立素立受之曰李陽元等皆服黑  
衣侍衛之士皆服告上着白衣烏紗帽入景福  
宮恤宅宗羣情大安素立以錄名紙到政院人多  
議謂素立謬曰吾以為扇封耳厥後全諫啓然其  
錄劾罷陽元等

栗谷外集

鄭崑壽在北京馳啓曰臣之入來適當寧夏平賊之

日石尚書擔當盡力會千官更設以兵部侍郎宋  
應昌為經略以都督李如松為提督調發大兵刻  
日進討李提督自寧夏還朝未數日又承命東征



南北時方陸續起行經略請以兵部員外劉黃裳  
主事袁黃為質畫提督先起馬經略次行當於十  
二月到平壤云時沈惟敬五十日限且盡行長每  
伴問游擊行期於沈嘉旺等嘉旺亦不知所答李元翼  
聞大軍垂到遂偽作游擊牌文使人持到順安沈  
嘉旺亦不知其偽急於馬上傳示行長行長喜曰  
若無此牌大事必不成俺當於四五日內決意廝  
殺矣寄齋雜記壬辰錄

天將陳都督璘與劉提督協攻順天之賊陳都督之  
在京人多畏其暴猛析成龍謂同坐宰相曰可  
惜李舜臣又將敗矣與璘同在軍中掣肘予盾必

侵奪將權縱暴軍士逆之則增怒順之則無厭軍  
何由不敗衆曰然相與嗟嘆而已舜臣聞璘將至  
令軍中大佃漁得鹿豕海物甚多盛備酒醪而待  
之璘船入海舜臣備軍僅遠迎既到大搞其軍諸  
將以下無不沾醉士卒傳相告語曰果良將也璘  
亦心喜不久賊船犯近島舜臣遣兵敗之獲賊四  
首十級悉以與璘為功璘於是大喜過望自是凡  
事一咨於舜臣出則與舜臣并轡不敢先行一日  
天兵侵擾我軍乃令島中撤其閭舍都督恠問之  
舜臣曰天兵時加侵擾故小邦新集之民將盡遠  
徙都督大驚使台便宜行事日後再有侵擾者許



令罪之自後天兵秋毫不犯一陣賴以相安

再造藩邦志

祖摠兵既渡江而啟揭報於遼東摠兵楊紹勲曰朝鮮悖順方戰之時朝鮮有一小營投順于賊故戰敗紹勲貽咨責之曰山海關主事張棟亦信承訓之言致疑不已兵部乃差錦衣衛指揮使黃應暘到義州更審事情上迎于中江應暘欲得倭書以驗之礼曹判書尹根壽以賊在大同江所遺書二道示之應暘不信李恒福自在京師時已憂此事乃搜求辛卯通信使等所賫倭書而來乃以其書示之應暘撫膺大慟對上潸泣曰貴國情如是而不免天朝之疑為天朝受兵而反被惡名

天下寧有是理乎吾當為朝鮮伸理矣即馳還告  
于兵部尚書石星曰朝鮮君臣奔越草莽寧以國  
弊不負天朝之恩不可不發兵救之石星聞而  
心動乃請發兵救之上同

辛卯倭使平調信玄蘇等持書契百回朝廷乃覺賊  
情有異自上引諸臣問計兵曹判書黃廷或對曰  
賊之兇謀已露必須熟講弭寇之道大司憲尹斗  
壽進曰事係上旺機関甚重殿下至誠事大天  
日在上豈可容隱臣以為終始奏聞便當廷或曰  
計無出於此者尹斗壽之言是矣臣亦以為奏聞  
便當領訖政李山海曰兩人之言雖好茅恐皇



朝罪我私通倭奴不如諱之右叅政柳成龍曰因  
事往來隣邦有國之所未免有事則陳奏何害於  
義但凡事不思而行之恐未免踈漏矣領相之言  
是矣斗壽曰君臣父子之間何事不達事必須直  
陳無諱然後可無後日之責矣目旁引經義爭之  
甚確上曰卿言是也遂因聖節使金應男之行  
且奏倭情是時天朝有客商陳申者自琉球還  
言閔伯平秀吉將入寇以朝鮮為先鋒又有許儀  
後者以客商被擄於日本知閔伯將入寇潛遣所  
親人米均旺者投書於天朝邊帥福建等處巡  
撫諸臣得此書馳奏又有琉球世子尚寧遣使言

日本將自朝鮮入寇而獨我吐使臣未至中朝既  
聞陳申許訖後之言頗以為疑論議藉藉獨許閣  
老吐揚言曰我使朝鮮習知情勢朝鮮礼義之邦  
決不然今者聖節不遠筭覲使臣之來可知其真  
偽及金應男八上吐之界一路人人指点耳語景  
色異前到山海關人皆大罵曰汝國与倭同叛何  
故入來耶

同行譯官洪純彥曾與許閣老舍人俞深相切至  
是應南使純彥裁書抵深陳本吐事情俾達於閣  
老密購人先送之行到通州路上望見一人独坐  
高阜上以手招之純彥與吏文學官馳赴之乃俞



深也深言近日福建等處皆奏汝旺導倭欲犯順  
朝中論議籍籍閣老獨力保之以為必無是理且  
言朝鮮節使今且至必有報復文字如無則是可  
疑也科道官或欲上本待汝旺使臣至皇京請鞠  
問得情者閣老曰事不可知先鞠使臣非柔遠之  
道也以此論訖必寢待汝旺之報變與否而處之  
矣今得汝書閣老亦深喜使我先報路中故來言訖  
恐傍人看覷疾馳而去及應南等到北京許閣老  
招應南等詳問本國事情及倭奴逞狀然後乃訟  
言于朝羣疑稍釋皇上覽本旺咨奏甚用喜悅  
應南等拜辭于闕下受宴于光祿寺宴罷有中貴人自

內出以皇帝命引一行入皇極門內太液池外  
人所不到處中貴人以酒饌供給令醉飽蓋異數也  
上同

壬辰臨津未敗刑曹判書李恒福言于朝曰今八道  
潰裂無復收拾雖有智者亦不知為計昔以孔明  
之智及荊州失守劉先主無托身用武之地則請  
求救於孫將軍卒成赤壁之捷以基鼎足之勢以  
我吐之力無可為之勢不如急遣一使籲告天  
朝請兵來援廷臣皆以為迂濶或云雖奏天朝  
為有出兵來救援假令出兵今七道皆為灰燼一國  
之中一片乾淨地只是平安一道復為天兵蹂躪



則更無着足之處。此策決不可用。恒福爭之不得。  
後五日言於李德馨曰：我以乞援天朝之策揚言  
于朝廷，臣皆言不可。無有与我同者。此詐如何等  
亡耳。寧且痛陳危迫形勢，抵死請援，以決一死耳。  
德馨然之。恒福曰：君意如此，則明日同力爭之。如  
何？德馨許之。翌日，德馨与恒福同詣備邊司，極陳  
利害。諸人稍稍與之合。大臣曰：始具由啓稟可也。  
恒福具草以入。上卽允之。乃遣陪臣鄭崑壽等  
馳往皇京，以請援師。恒福又与德馨建議分遣三  
路調度使預管糧餉，以為接待天兵之地。上同  
上既至寧邊，止行之。詔如前。兵曹判書李恒福更言

於廷曰咸鏡一道只有一條路賊若直衝無容足  
之地將來手就縛此危道萬一天兵出來則平安  
一路已為空虛無一迎接天子聞之謂我為如  
何不如直抵義州迎接天兵不幸窘迫則君臣  
上下歸死天朝求為內附徐視事勢以為再舉  
未晚也左右相視莫有應者副提學沈忠諫曰公  
訖如此何不請對恒福曰早有是請竊視諸公之  
意以鏡城為必生之地故不敢先發耳忠諫乃与  
恒福請對夜已闌上御寧邊東軒張燭而見羣  
臣坐定上曰卿等欲語何事忠諫先對曰今行  
鏡城李恒福獨以為不可欲陳所見故請對耳恒



福乃進陳利害如前。上曰：予意本欲內附，卿言如此，可幸。義州時，中殿一行已發，雲山郡守成

大業馳往迎還。上同。

柳文定公根拜五道兵馬副體察使，會天朝續運山東糧餉累百艘，却下於宣州鉄山之間，自宣鉄至京江，則汎舟之役，專責於我國。方秋風高，海路危險，朝議同知收濟左相尹公斗壽上劄薦公。又入對曰：此非抑某不能辦。宣廟特除運餉掄察使。公承命即行，夙宵焦思，多造大舡而厚其板制，或慮其太鈍難行，公荅以後自知之。遂分載其粟於五十餘船，船置軍官旗鼓一齊逆發，時已深冬，京

江幾合水天將日遣人覘候於江上朝廷亦憂其未及期一日五十餘船乘潮張帆以上軍官各立於旗下鳴鼓吹角督船人椎破江水次茅下碇於龍山蓋船板稍厚故觸水無傷也人始嘆服天將先知之即軍校詣闕致謝宣廟喜甚褒陞一階軍官以下賜爵賞有差謚狀

宣靖二陵被賊發掘焚燒之禍靖陵壙中有屍未辨玉體真偽賊兵猶在南溪故移其屍於松山上命宗室諸臣偕往奉審牛溪與總護使崔興源等癸巳五月二十九日到松山奉審之日大臣以下欲先拜笑然後奉審牛溪曰玉體真偽時未辨



覈而先為拜笑則是君之也吾意奉審決知玉体  
無疑然後拜笑似當諸公曰諾吾未之思也將入  
奉審牛溪曰諸臣逮事先朝者只數人餘皆未  
覩龍顏今何所憑擬以驗之乎宗室及後宮逮事  
先朝者亦來此云先以謄書詳記御容以出然  
後乃入奉審以其所錄一一准驗方有依據也諸  
公曰諾吾輩未之思也宣廟寶鑑

柳 合珩在北閭宣廟寢疾臨海君潛養死士之說  
盛傳中外及今上登極教書至公即閉城整陳集  
將吏議曰袞計未傳而新命抵至是必有內變吾  
但當為世子死耳先使人請見教書審知中殿姓

氏始出郊甫迎其死事不化臨機有守如此碑名  
月沙李文忠公廷龜以礼曹判書無國葬提調從  
喪往山陵是歲庚子十二月二十二日也葬時  
在翌日寅正夜半靈幄殿火侍衛壯士數人冒死  
奉柩以出百官有司奔走喘息盡失其度公先令  
執事者各執其物以避火後罪一面遣郎官馳啓  
与撓護使告世子入臨趣搆祭文行慰安諸應行  
祭礼以次接行公又慮事後有口請於大臣會六  
卿三司衆官閱視之大小儀物遺亡缺於是就玄  
宮漏尚下寅刻而未過正矣是礼也雖蒙灵佑亦  
由公遇變弗迷臨事果敏之效也朝廷益推公為



通才不可及也碑名

适之叛也稱京城有變領兵入援分遣手下精勇者  
召諸將定州牧使丁好恕覺其有異斬其使領兵  
詣張晚安州牧使無仿禦使鄭忠信令甫州府使  
鄭文翼守安州自詣張晚請從行晚責其矣城將  
罪而赦之竟誅适立大勲余嘗從容問曰合聞适  
叛矣城而遁何也忠信曰吾与李适交若兄牙旺  
人皆知吾亦為文晦等所告幸蒙上恩得免拿  
問适反而我在寧邊近地為人所契則我之素心  
無以自白於天日之下矣城而遁者明吾心而人  
自信之也荷潭破寂錄

張王城為平安道節度使至即以便宜改軍制西民  
便之閭閻四郡瘠且百餘年矣種多冒處其中公  
謂祖宗疆土不可矣而不問使人往視之授以一  
公牒曰即遇虜出此示之果遇虜縛以歸乃出牒  
以示其酋曰此官人不可殺閭閻本朝鮮地我人  
居之是曲在我即輟去

碑名

樂全漫錄云先君見朋友急難出力救之不啻飢渴奇  
自獻與鄭壽夢不相能必欲置之死地一日自獻  
貽書曰今朝鄙家隣里有匿書即排訕朝訖者見  
其筆跡似是極名士之所為也其指在鄭公也先  
君即駕往見之自獻欲出其書先君即麾之曰匿



名書法不當見願聞書中意自獻能誦之先君曰  
令台無乃疑某耶此決非某之所為必有憎某与  
令台者故作此激令台發之謀也以此被罪則令  
台不免為匿名書起獄宰相也自獻然之其家与  
鄭台家甚通先君過鄭台門不入自獻果使人跡  
之知先君不入鄭門意解寢其事

禹僉知伏龍多智能文之以儒術所居官不四而事  
辨在安東也天將卒大軍入府以事怒台欲困台  
使以太平嘯三十前導衆皆惶惑莫措公不以為  
意密使人訖富民乞小燭金數十使人持之如按  
箏狀与太平箏相間而行箏声聒天將見之皆

以為簫不能逞毒而去其應變不窘多類此紫海  
筆談



使命

在前奉使日本者鄭夢周申叔舟是為倭奴所服至  
今稱之不容口頃年黃允吉金誠一同使日本時  
倭酋桀驁事多不測黃擲畏每事依違而金性剛  
守正不少撓倭人甚敬憚之蓋雖異類而是非之  
心亦不泯也

芝峰類記

先正之奉使日域者在麗有若鄭文忠在本朝有若  
若黃秋浦諸合其峻節足以標名教清操足以動  
殊俗卉服之欽贊誦義至今不衰云

谿集

申文忠公叔舟在世宗廟時旺家欲聘日本旺其  
旺俗喜詞章擬書狀官而難其人且風濤險惡人

皆憚行再三見違竟以合為定合處之怡然適慙  
病新氣體羸憊兄弟力沮不可去合揮之曰人臣  
義當夷險不渝何使命之避將行親旧擬以死別  
皆有難色且有泣下者合陽之如平昔略無憂色  
行狀

尹文憲合子雲庚辰丁祖母憂先是毛隣衛野人浪  
學兒罕罕子阿北車挾前撼哺聚屯結屢構邊患  
光陵命叔舟等舉大軍擣巢蕩平之欲具由奏聞  
難其人光陵曰思之無踰尹茂松者即起復為  
吏曹叅判階嘉善固辭不允赴京敷奏詳明帝命  
兵部郎中馬鑑往審建州等衛情狀乃劄還本旺



人民 光陵歎曰茂松可謂使乎者也及回還請

終喪制不允 碑名

鄭承旨誠謹字而信性勁直志不撓屈嘗奉使對馬  
島所經有梅林寺頗淨潔共請舟中久鬱盍往一  
見殊方之寺公曰渠輩可往不須我我已坐想淨  
掃禪房中堂置佛焚香階庭列植橙橘蒼筤等果  
樹不過如是耳與吾國寺刹何異哉及至島主憚  
於出門祇命公踞胡床于門外令譯再三督令祇  
命如儀訖及設宴慰島主之展敬贊獻不過畫扇  
佩刀握椒辦香耳盡收一行所得合封一咒臨發  
船回還授價倭而送于島主處其後島主特送人以

其物來請分與之。上准其請。公啓曰：臣在彼不受。到此而受，前後異心，誠不願也。上不能強，還授而送。頊說。

韓松齋忠為宗系辨誣奏請使書狀官入北京通皇帝移幸陝西榆林關距京師一千五百里上使南哀毀勸公退還公曰吾等受命遠來遭此變故義不可矣君命於草野獨立闕庭抗章不退礼部尚書毛澄即中姜龍感公忠懇以本國奏本草議于諸閣老公與使臣曰詔禮部呈文辨誣公之所製左多諸閣老歎賞覆題准許改正寫勅慰諭令學士楊廷和草本論令着力構草無見笑於文獻之邦



朝中士大夫咸願識其面來訪者日衆玉河館門  
之外車馬填咽皆稱此人不合在小邦求諸中旺  
亦不易得云

東儒師友錄

鄭栢谷崑壽壬辰八月差請兵陳奏事移拜知敦寧  
府事公既受命不畱一日慷慨即行仍拜辭引見  
上從容溫諭且曰卿好為往來卿今所受之任極  
為重大卿其勉之旺之存亡在卿此行事若得成  
卿之功也懋哉懋哉丁寧懇到至再至三戒勅責  
望之意至深切矣公感激隕越而出晨夜馳駟不  
敢小滯既八皇京呈奏文奉聖旨有兵部看了作  
速諮公即呈文礼部乞勉上下馬宴且請速打發

兵馬以極小邦之急又呈文兵部申請益切又詣  
兵部尚書石星前慟哭哀籲悲不自勝尚書感動  
亦泣下沾襟謂人曰朝鮮請兵使臣至誠哀痛雖  
秦庭七日之笑蔑以加矣時諸科道多生異議或  
言只防中吐地方朝鮮不須救亦有以多發兵馬  
亦貽弊中夏衆論多歧羣議莫定唯石尚書力主發  
兵屹然不動其覈題至有請身自東征之意慷慨  
憤厲辭直義壯蓋有所感激於公之至誠者矣即  
令侍郎宋應昌東赴視兵先發一萬七千六百兵  
先調大軍定將繼遣皆尚書題本指揮也又陳請  
兵部受銀子三千兩賀弓箭火器火藥載車二十



兩風雪互寒行邁靡遑復命登對歷陳以啓天心

喜悅勞問備至

行狀

金鶴峯誠一從黃同知允吉等使日本強項自持少  
無畏懼受書諸臣皆力爭矯正同行縮頸敵人敬  
歎亦可謂畢命君子矣至稱以使四方不辱命則  
吾恐有愧也夫所謂專對者豈指僥倖節目之事  
哉鶴峰既還上問敵人情形允吉等皆以為賊  
來有徵鶴峰抗言不然累千言深攻允吉等自以  
為備悉賊情明年賊傾吐八寇至於廟社不守民  
生魚肉兵火之慘自古無有如壬辰者其不得要  
領如此謂之專對可乎如遇漢高之時則難免前

使士輩之誅矣涪溪記聞

秋浦黃公慎初至倭營也賊酋行長設宴請沈唯敬  
曰囑沈并邀合公再三不可強而後往時天將主  
壁行長居西坐公於東倭僧玄蘇居上公却立不  
坐沈問其故荅曰和尚在上頭端於連坐沈會其  
意即令玄蘇坐於西其造次守正不怵兇威如此  
年譜

黃檜原慎於丙申年間以天將沈唯敬接伴官入釜山  
倭營久處賊中又以通信使赴日本危困極矣而  
少無怖色竟得全還其誓海文辭甚精工  
說芝峯類  
丙申六月差通信使公在釜山副使朴弘長賚吐書



至明日乘舟有詩曰大夫不怕死怕死非大夫白  
刃尚可蹈鼎鑊尚可趨所願全吾節安得全吾軀賢哉錫述郎  
抵死心不渝又以書告別於牛溪先生以為不敢  
貪生辱命以負師友先生得書感動復之曰三復  
辭旨不覺潸淚之橫臆此心炳然天地神明已知  
之矣使君得全節而故而復相見則天之厚報於  
君而慰我東人之望萬々何如為抵一歧関首以  
我使官卑且不送兩王子怒而不見且言欲拘留  
使臣倭酋調信使要時羅來言其故仍使公求解  
於沈唯敬公荅曰我唯釜山時已定三糸計若和  
事順成則跟隨兩天使往返一計也若和事不成

欲為拘留則任留一年十年亦所甘心一計也若  
大加暴怒雖殺戮亦所不辭一計也久知會有此  
等事今不足恠不須往見沈天使只可任他也要  
時羅默然而去既而唯敬貽書和鮮闕首益怒並  
請兩天使登船兩使將外行公往見曰老爺則已  
頒勅冊封是天朝事已完也小的奉旺書來不得  
專禽而還則無以回報旺王寧欲死於此也天  
使曰設有是理闕首若裂旺書辱使臣此果當死  
今不接對而已只宜奉書而還況陪臣是跟隨我  
者我若起身則隨我起身此是自然道理也休說  
天朝事已完我已頒勅賜印而謝恩表文至今討

不得反不如爾帶吐書在身上從頭至尾是一場  
可羞事也沈使亦曰假如客到門主人不納則安  
得強留乎我軍只須快去公不得已同日登船而  
還初倭中盛言閔伯欲拘留通信使郎古耶或云  
盡殺一行貪役我吐被擄人與軍官同鄉者爭來  
傳所聞至或執手而泣軍官惶怖啼泣合處之泰  
然召羣下曉諭曰你們嶺南之人一死於壬辰賊  
鋒再死於甲午飢饉三死於乙未癘疫假令汝輩  
死於今日猶為最後死与其等死於王事不亦  
榮乎況自古無殺使之國爾等何驚動若是有一  
被擄者來言閔伯將使臣一行而嫌其狼藉都市



舂船至兵庫閑除去一行无驚惧至兵庫日昏倭  
船五六隻涎我船外行過舂叫一行驚惶奔走或  
有解衣欲投海者公猶熟睡不起衆乃定回到對  
馬島之首平義智為使臣設筵以邀公公不赴曰  
既不能傳命於閑伯何敢私赴島主宴乎義智托  
天使更邀公終不往義智盛設宴具終日俟之  
竟落莫而罷公於是役備嘗險難而其精忠壯節  
大為倭奴所服每逢我人必問其起居稱頌不已  
比之於鄭圃隱後請款時書契亦言願得信使如  
黃某者云

秋浦年譜

李完平元翼拜右議政兼四道都体察使開府于嶺

南戊戌還朝時皇朝主事丁應泰傾陷楊經理不  
遺餘力上欲擇相臣有文辨善處者遣之言于  
領相柳相有老母不得自請去公言于柳曰吾斷  
敗雖甚尚可往遂遣公公至鴨綠水邊遇丁應泰  
避入林間丁到義州始知之將官及軍兵追及  
公行於遼界欲捲回一行而來催督火急公自為  
華語解之曰吾等奉旺王命奏聞天朝今若中  
止是矣君翁也休等力可綁縛一行倒載而回則  
吾等可有辭於旺主其能之子將官知其可不強  
遂回去名臣錄

月沙李文忠公戊戌秋賁面主事丁應泰誣奏楊御

史為脩郤地 宣廟為奏白之應泰恨我移仇又  
為惡語誣奏多有不忍聞者 天子下其書中朝  
官祿議之虞在不測 上避殿席藁遊使額寬特  
拜螯城李公恒福為右丞充上使銓曹初以他重  
臣有名者為价李公欲得文苑茅一流而難其人  
請以申公欽為書狀 上下教曰予覩李某長於  
辭命其文章蘊藉典重且有計慮止踰此人者李  
公白本欲上請以其官小故不敢於是陞公嘉善  
大夫工曹叅判代副使公上䟽謝上曰旺事甚急  
卿無讓至京納奏又詣閣部省事科道皆有奏記  
三十九篇公悉為之庭臣授奏該旺奏文明白洞



快讀之渾渾渾渾欲下得旨應泰私益妄訐我誤大  
事着回籍請勘該部移咨慰諭本旺俾知朕終始  
字恤德音復命上大喜引見賜臧獲田祖如功  
臣重加一階始訖奏辨逆詞臣數人各撰奏以進  
上竟用公文訖應泰所誣隨辨甚哲至廟獮一款  
直云小邦自前世以來旺內臣民謬為私尊沿襲  
末革事宗妄作意非干犯首相柳公成龍謂此大  
事誅責不小不可首宗訖有異同上以為君臣猶  
父子安有可諱遂定不改逮會訖諸訖者讀奏至  
此相顧謂事君無隱真禮義之邦也後天將見  
上皆舉奏本稱好文章海內遠近爭相傳以誦云

碑名

己未冬朝京使臣報翰林檢討徐光啓構本吐將以  
監護朝鮮來光海大憂之促備局設辨誣詔曰今  
辨誣必須擇華吐手李某可差陳奏上使庚申四  
月至京師既得辨白羣疑洞釋還到巡曙兩司合  
啓以將男之黨不參庭請且在北京刊布私書傳  
播吐中叔諱事請拿掬依律光海不允公在北京  
文人學士多求見私藁遂錄道路紀行詩百餘首  
名之曰朝天紀行錄以与之甬瞻輩以公素為光  
海所褒寵又辨誣有功益忌之必欲陷之遂因此  
誣以洩吐中陰事公止巡曙不得入光海屢促之

入臺論遂姑停公屢辭不敢復命光海不許郊迎  
詔勅教之曰竭誠敷奏快忝積誣聖勅照雪天  
下咸覩變禽戮之區為冠裳之域卿可謂使子使子  
甚嘉悅迎勅後兩司連啓日久終不允月沙行狀  
劉海在館余與月沙李公金判書蓋吐承命就見講  
定私約二公皆簡於辭屬余與海對忝海出約条  
數件第一令我絕天朝余大言痛斥之往復既久  
海亂論語桓公殺子糾召忽死之管仲不死孔子  
以管仲為仁蓋以此語誘賈我耳時譯官張禮忠  
傳語禮忠在羣譯中最高為翹楚聞其說不能曉余  
不通華語而曾看四群通解略知字音無以語勢



脉推之知是召忽管仲事使禮忠更問之果然余  
即臧論語自古皆有死人無信不立以折之海為  
語塞余自是始知譯舌之踈於語也

谿谷集

政事

世宗朝申商為禮曹判書許稠為吏曹判書申日中而往日側而還許侵晨而往日沒乃還一日許先往曹聞申到南宮未幾還出許令人往告之曰何晚仕早罷申大笑曰大人早仕有何加益之事余雖晚仕有何加損之事不如各弄掌而已申臨機善決許勤苦刻行所往不同也慵齋叢話

金谷仲誠為忠州牧使一州大治以州人喜訖訟皆無宗大惡之常坐於樓上有謀訖者至庭佯若不見其人以弁竿搥膝而揮之公又不欲見大卧樓心竟不聽受日暮而收衆膝熱之州人至今稱為賢

牧云 青坡廼談

河文孝公演為慶尚監司間南智新受都事憂之曰  
此年少閑閱者必不事亡吾其奈何南初至謁入  
痊合欲試之乃執難判公事卷宗付之曰君始剖  
析未及退使人察其所為方與客共飲于帳中合  
歎曰果如吾所料明日南酒醒起披卷宗一過以  
爪甲畫標進于合曰某事失當錯某事錯當下公  
不覺驚服謹聞瑣錄

金宗瑞札申泛翁為命僚老待之甚凡有謨画多密  
贊之方設九城便否宗瑞朝訖異同上書爭之辭  
累萬餘言宗瑞命泛翁執筆書稿口占言之捷若



宿構滔二不竭泛翁承命隨書筆不停輟無一字間粟者亦無字  
誤落者宗瑞嘉歎曰我固自負之君才亦大難也  
識小錄

葵尊錄云先公優於吏事未仕時鄉先生金府使時  
嘗曉公以吏讀曰此雖學者有所不屑然他日居  
官守職捨是無以為也故公凡詞訟裁決一依旺  
家成憲然必以不戾人情為務當其詳審曲直卞  
別毫釐初若不決及其提要領一言便足人心歲  
月計之則有餘矣先生兩為監司必歎曰有土地  
有人民是亦可以行吾學也不求赫二名專以革  
汚俗興六行為首務其効農桑也則每春夏寡騶

從躬出入阡陌巡視堤堰民乏種者貸之乏食者  
賙之勤者慰而惰者懲栽桑於官之隙地令民來  
取種烏在開寧等炭洞谷松松林三陂溉田幾七  
八百頃民多賴其利

鄭文献合汝昌甲寅受安陰縣監人謂理邑非其能  
先生始至知民疾苦在賦歛遂作便宜數十条行  
之期年而政清民悅境內相戒莫以欺詐負先生  
方伯重之凡獄事之盤錯未易解者用律之未審  
精當者必巡面質疑然後乃行由是道之決疑者  
遠近咸故辨而不得意者皆不恨其敗稱其神明  
所行數十科至今五十餘年縣家世守為範雖

暴吏殘民不敢松改施肯有欲改者則三老群吏  
必庭爭申申必額乃已足故批行如吐典名臣錄

李判樞孫居官務大体不事細察至決大訟未嘗少  
撓其聽訟剔繁撮要剖斷如神吏莫用奸民莫隱  
情其治民寬不至縱威不至苛蘊羸馭梗納之大  
軌故所至必有聲績名臣錄

李叅贊夢亮吏材贍敏凡閱文書累行俱了時輩皆  
推莫可及在嶺南以私恠拜章乞解疥衙決旬簿  
牒滯積老吏以為憂比不獲命則一視事而空案  
無不歎服碑名

金省庵孝元宰三陟以安民祛弊為先務邑有金釵



一股傳自羅代百襲封絨藏諸城隍祠居民信奉  
之如神明凡村閭大小事必先告然後乃行故巫  
覡日娑娑其下滋甚公慨然有掃清之意擇良日  
備祭需招士子稍強者若干人窮詣陰祠撞破釵  
股投諸火中一鄉少長奔呼驚動公毅然不動誨  
掃堂宇書置城隍位板于其中整冠服而親祭焉  
觀瞻悚然莫不歎服三陟在嶺海間最為荒僻俗  
喜鬼民朴而難治公一新旧制賦稅徭役亦為之  
式擇士子之可教者授之詩禮使之修省莫不蔚  
然丕寢至今號為文獻蓋自公始也

東坡師友錄

金公絳輝拜慶尚監司嶺南素號地大民衆又方甲

戎籍兵而公按之剖決牒訴如流常有餘閑崖幘  
扶藜以終夕然事若數名一掛耳目者不以機微  
曠久而忘吏服其神明及按閩西則值丁丑饑疾  
晝夜思度設為方便救療必欲人活而戶全之鬻  
髮為畫白其長於改事而能敏能勤如此碑名

河司諫晉寶嘗牧星州倉儲數十萬斛陳腐不可食  
散收常依旧數民甚病之公散二而收一用加耗  
補之一州飲德國計亦不屈金海之通欠積久為  
害將不細公取其卷燒之節官用以足之民久而  
不忘上同

退溪先生吏治一以簡靜不擾為尚其收賦於民也

雖甚輕約而若民所當為者則亦無所增減不為  
違道干譽之事其待民吏一以誠信不逞其欺詐  
也遺書

吏才乃刀筆之業不足貴然為宰相而有吏才者亦  
難得余少通籍朝端以郎僚遊諸公間唯柳西崖  
成龍李漢陰德馨李白沙恒福三相吐優於吏才  
方壬辰癸巳倭寇充斥天兵滿地之日羽書旁午  
文移動如山積西崖到省則以余疾書必命余執  
筆口呼成文聯篇累牘迅如風雨而筆不停寫文  
不加占燠然成章雖咨奏之文亦然詞臣奉教撰  
進者不得有所加減於其間真奇才也漢陰白沙其



匹也 象村樵著

牛溪與李台徽書云作宰百里生民休戚係為君是  
京洛豪華未盡民間之疾苦願以視民如傷四字  
為本原而以清慎勤三字為日用端的用心處則  
幸甚真西山諭俗喻邑宰文栗谷与松江節要而  
刊行並附吟俗民間疾苦合為一帙者一冊送呈  
願熟觀而體行之也

丙戌朝訖謂安州西路門戶擇重望差遣人皆避之  
丁亥吏叅權克禮啓曰安州為瘁地殘弊已甚唯  
李元翼可遣請起廢上允之翌日單騎發行至  
境餓莩滿野往見監司請分各邑穀萬餘石為賑

飢播種之資邑中多盜賊之患公設機捕之餘黨  
屏跡民不種桑謂非土宜公遍令各坊播桑堪此  
後始業蚕績名曰李公桑軍額多闕族隣被侵計  
其一年所徵價布三千數百匹公聚邑民問曰此  
為一邑無窮之弊欲用倉穀贖送將此穀數待秋  
派徵於汝各其所出不過五六斗汝等肯否皆曰  
諾行之數年民甚便之凡為政一以誠信為本教  
化為先數年之間一境大治

名臣錄

東准申公翊聖云先君言白沙是人傑風流太似晉  
時人謝安石其倫也忠介政事才無出黃秋浦右  
吾輩明遊間惟此兩公風致人自不可及入相後

每言秋浦若在作相當在吾前其施為必有可現  
本集

樂全漫錄云先君托意玄遂居家無所事而於官  
事極精勤不懈朝會及合衙必身先之或問之故曰  
偷惰之習已痼不如是無以勵小官綜理庶務不  
遺毫髮備局郎至雖夜分必呼燈曳衣而出指受  
詳密故八省章奏之題覆不曾留時

蔚山郡缺守朝訖以郡多土豪難治須遣材望文臣  
三易而適合既至立號令期月而逋糶輸恐後帖  
然無敢為橫民有兄弟爭財者公不問曲直直喻  
以友愛之道言下即已有欲專婦家財者不嫁婦



妹年幾卅公繫治其人而資其婚柝其產業爲公  
之副明聞一道訟大小故之庭亦無留例得紙布  
甚羸悉以付幹事吏方便取息以代徭賦民得七  
年比兵前無一事清江行狀

朴判書東亮出爲平安道觀察使孔道驢鞅交錯所  
轄大饒文書地邊胡易警民俗喜訟善賄爲政者  
病之公能剴積案若洗兩競之間無汚舌以其暇  
興校學課武藝廣儲峙詢問疾苦躬歷險要設水  
城以弭冬防諸難徧札者一運之掌而至於賓庭  
酒席風流間發撫接親故踈戚遠近人情翕然  
鳴谷李公山甫立朝三十年孤忠朴直不顧衆咻名碑

呂以得失利害動其中至施諸政事則竭心盡力  
要以澤物利人行之出於至誠故德惠所孚人皆  
感悅急難之日多賴其力名臣錄

張判書雲翼資性豁達好氣槩有威風長於政事居

家雖重孺未嘗大言呵責只當官莅職坐堂上顧  
盼猶吏賁息不敢仰視牒訴盈前剖斷立盡其治  
劇部雖窮僻小民一見悉記其姓名海州時有授  
狀不當理者斥去之既久復來乘擾以進公輒識  
之詰曰是故某時決遣今何敢再恩吏民驚服稱

神明碑名

權公泰一受慶州府尹州素劍前政非驚鎮則坐英

懷齊合至不為濕束之節巡見耆老長者告以推行教化之意無不悅喜公又乞養得全州府尹其治如慶州而事益練民益便之衙罷輒手書至丙夜以為恒家人輩惧其勞竭請小休公曰書以治心心荒則改矯為民上者奈何自逸乎碑銘



後自警編卷之十二

鎮靜

成化丁亥吉州人前會寧府使李施愛謀叛殺節度使康孝文等遣其黨抵書來達命龜城君浚為都摠使右贊成曹錫文為副往討之余祖襄甫公諱世恭時為左承旨命迢階嘉善代申泐為成吉道觀察使公在道咸興人又作亂殺前觀察使申泐等亦施愛之謀也公安還府人民逃散者什九至咸興府無一人迎候者出巡野外民家皆空徃亡逢人皆走伏草間輒招呼曉諭曰朝廷討叛賊施愛而已於汝人民無預也其各安業如故仍給農

糧使相曉解或謂曰刺客可畏不可不備公曰若  
設兵威益生民起只率吏輩數人而行一日獲賊  
黨韓崇智諸將欲稟朝廷公抗詔曰軍中之事制  
在主將且成人如崇智者非一莫若斬以孤其心  
以斷羣起遂斬于大門外咸之軍民欲免其罪爭  
寫首亂者姓名投于都摠使公曰不可盡誅遂焚  
其書于軍中反側者乃安 裨官雜記

尹文憲公子雲為咸吉道体察使至安邊聞李時愛  
殺節度使康孝文又殺吉州牧使薛丁新挺州以  
叛分遣腹心于諸郡殺守令殆盡兇徒所在響應  
公倍道至咸與是夕賊又作亂殺監司申泐盡殺

合差官吏尋移兵抵公所排闥露刃環庭者如墻  
公整衣冠端坐言笑自若賊懼而退哺聚之黨恣  
行脇臆狙詐不測公在圍中者七日起之泰然此  
不動心賊悔悟或有周旋左右為公地者卒全身  
而還

天順庚辰六鎮蕃胡反測光廟以申叔舟為元帥  
徃征分道進深入擊破之虜乘夜追擊營中喧呼  
應戰公堅卧不動召幕僚唱和口號一絕云虜中  
霜落塞垣寒鉄騎縱橫百里間夜戰未休天欲曉  
卧看星斗正闌干將士現安閑賴以不擾

東閣雜記

洪文僖公彦渚為相勤務鎮靜事多裁斬人有言其



不喜建明者公聞之曰吾固知時事可更張者多矣

然更張而不得善法不如不擾之為愈耳

碑名

閔公相箕凡為旺家計常以保養元氣為務論說之際存心鎮靜慮或騷擾乃曰若不得已之事則在所當先非汲汲事當從容救正使不至促迫顛倒可也

碑名

李貞甫公鐸為大司憲與大諫朴淳率同僚論升元

無罪惡請遠竄命削職放散出入其門者多不自

安公曰一時相識豈盡其黨乎治其甚者而已持

論甚平要在鎮靜人服其量名

臣錄

鄭汝立逆變初上時有飛語云縉紳間多有內應者

予逆賊親厚之人無不惴恐會前左贊成鄭徹自  
高陽入城即上劄言朝臣之交親逆賊不過好而  
不知其惡而已天下寧有兩汝立乎人心稍安已  
丑記事

帥府於狀啓中有賊勢日削坐待賊首等語金起宗  
曰今賊兵雖潰降倭未散腹心猶在未可易言啓  
辭如此則恐朝廷以不即勦滅為當事者之罪也  
元帥曰今日之事與外寇不同其心腹徒黨潛伏  
都中若以賊兵鴟張勢難抵當馳啓則內應之徒  
必當蠭起禍有不可測者此所以鎮定都下之意  
也况於狀啓末端每及自京口加防備之說朝廷

必想見其微意耳

西征錄

鄭文肅公曄默為鍾城府使虜騎數萬猝至城下公  
方讀春秋聞變從容掩卷冠帶登陴收城中老弱  
男女并着戎衣分守城堞多張旗幟寂然不動賊  
圍城七晝夜疑有備引去

碑銘



信

己亥 天朝將討建州園野人勅我吐挾攻 成廟  
命藥城君魚有沼領兵赴之到江上以冰漸難渡  
為辭遂羅兵而還韓明澮曰自平交以下尚不可  
失信況天子之命我吐至誠事大中吐亦待之無  
外既已奉承而中違之可乎自祖宗以來事大至  
誠之道至 殿下恐督矣請更遣銳卒速赴之詔  
者皆曰路險雪深不可再舉 上亦疑之明澮力  
請曰詎者之言自安之計老臣所惜者吐家大体  
至如勝敗之數非所預恤要伸大義於天下耳再  
三力請 上從之命右叅政尹弼商令偏師徃征

天捷

上悅中朝亦降

勅褒美

東閣雜記

永安道城底野人有紮部潛移他處者朝廷恐生他

釁特遣魚有沼慰安之以有沼曾為此道兵使服

其心也有沼倍道而進先使人於其部開示教書

野人初不信曰誑我輩也遂投其書于地使者曰

汝苟不信魚令公來矣野人曰令公果來乎令公

來則是我父也可得見之子有沼聞之馳入其部

虜皆羅拜有沼開誠撫喻皆悅服歸命遂率其酋

長而還使還舊居

上同

韓文靖公繼禧丁亥夏逆臣李施愛煽亂東北殺節

度使觀察使守令昶吉州叛又欲謀害在廷大臣

飛語 上聞合名亦在其中 上召引群臣咨議

處置被告諸相皆就私筭合獨不知隨例而入中

官止之公遂巡不敢進 上笑謂公曰卿來何後

耶 命与群臣同議仍留禁中逾月遣還公之忠

誠明白素著故雖在危孺之地見信於 上如此

碑銘

金慕齋与姜壯元台壽約為婚姻後子女俱長當昏

聞姜男有疾惡<sup>不</sup>負約遂成禮人以為難前言<sup>注行錄</sup>

曹南冥自京南啟時入俗雅山訪成東洲<sup>將</sup>元臨別

期以明年八月十五日會<sup>加</sup>瑯山之海印寺及期

大雨連日南冥冒雨而及至寺門成東洲已到方



脫簑衣云 東坡師友說

東坡先生嘗曰：人不可不脫簑衣。蓋簑衣者，人之蔽身者也。然其蔽身之法，有在內者，有在外者。在外者，簑衣也；在內者，心也。心者，人之主也。心若不靜，則身不安。身不安，則簑衣亦無益。故欲脫簑衣，先須靜心。靜心之法，莫如讀書。讀書可以明理，明理可以靜心。心靜則身安，身安則簑衣可脫。此東坡先生之說也。

救荒

許詡左叅政稠之子也稠為一世搢紳領袖詡仕  
世宗二十餘年謹身守口甲子乙丑之間詡為京  
畿觀察使時年歲大凶歲京之間野無一禾元元  
餓死守令不能救詡就承政院上封事請發京倉  
米以賑之上不從詡伏地而啼袞動左右上  
感而從其請舊事州郡義倉粟當春賑貸則監司  
聞于戶曹戶曹聞于上得允然後賑之待命之  
間民或餓死詡建言監司戶曹俱是王朝之大  
臣必須申白然後啓于上則飢民難以所給臣  
請無聞戶曹得以便宜賑之上許之詡一言而

恩及四方。後世矣。於是轉運京倉米露積於野。無  
發義倉米糜粥以賑窮民。於春又上書請全羅忠  
清道租計口量田以給糧種。又啓請大西山山麓  
諸墳墓樹木叢薈。巡以其草食易長於燒痕。故也。  
以故餓民得裕於草食。皆詡之力也。詡於是年四  
月巡行群縣。見野麥將熟。令人取其宗來。仍嚼而  
嘗其味。曰麥已入窠。汝民得生矣。其愛民愛吐類  
如此。是年秋歲大熟。百姓歌頌其德。閭閻二里二而  
歌之。其歌詠俚野難載。大要歌其活我之恩也。歌  
聞于上。上上歎服。無已歌。至于今。不衰。宰臣尹炯  
不學。無不嫉其賢。議之曰。吐家為許詡所欺誣矣。



使不韋而復有甲子年則旺何所用給予蓋議其

介京倉也

南孝溫六臣傳

彛尊錄云先台在開寧其救荒也必急於風火時守  
令等怕於邦移之律義倉告罄則坐視餓莩而不  
之救先台曰昔韓韶活溝壑之民欲含笑入地沒  
黥矯制發倉而無辭於罪苟存心於民何惧於法  
盡發軍須以賑給之民感其惠秋熟不煩鞭朴悉  
償之又揀勤厚人持饘粥俟於道路見癰疾者輒  
施之以故如乙丑丙寅大歉闔境全活民無捐瘠  
亦無荒田矣

稟公三益海西饑朝廷以為非台莫可台病甚人或

劾之辭曰臣起草萊榮位如此上憂民飢臣

敢言病予遂興而行至則宋棄倉實與民事之有

利病於民者施罷之民賴以蘇

名臣錄

土亭表流民弊衣乞食為作巨室以館之誨之以手

業於士農工商無不面諭耳提各周其衣食而其

中最無能者多與之木藁使作藁鞋親量其役一日能成

十對敗之一日之工無不辦一斗米推其剩以成

其衣數月之間衣食俱足而不勝其苦多有不告


而遁者可見民生曰情而飢公之示民近效妙矣

我於手野談

羅輔德汲在公州歲大侵人相食州倉陳腐巨萬而

閉糴不賑飢民相聚為盜通判請捕公曰盜亦赤  
子濟活自當奠居立視其死而不知發反勦殺耶  
通判有所希冀捕告陞職而公終不手乃悉集窮  
民及士之流寓者開倉大賑左右撫循朝夕視餉  
所全活幾萬人方伯責以擅用吐穀公曰穀可得  
民命不可續且齎盜糧非計也乃辭疾去官名臣  
錄





救弊

大司憲南在上言內帑出納古者凡有內用上命內  
謁傳於承旨承旨更啓上前署下玉牌是其制也前朝  
之季內謁直下玉牌而承旨不知豈無詐冒之弊  
哉願自今凡內用承旨親稟下都評訖使司以革前  
日之弊遺稿

慶尚一道及忠清上道租稅自高麗時輸積于忠州  
江邊乃漕于京名可與倉而宗無藏穀間架秋稼  
收後兩道各差守令一貢自歲季監納終春而止  
盡露積于崖岸蓋覆遞藉之費民力大困漕畢則  
矣之歲輒改供為弊不貲既無倉屋苦蓋少不密

漏腐多損又無墻垣易於偷竊諸邑典吏苦監守  
雖晝夜周謹不能防耗失之患及納京計耗責徵  
吏破產相望至本朝朝訖欲造倉者屢矣傍居之  
人歲以露積之久年厚利百方沮撓訖不行李  
公世應之在忠清金公安國適亦按慶尚朝訖又  
起有旨命兩道監司同審便否以聞安旺常憤于  
此時朝命馳會公相視訖合共條列設倉之便不  
設之害期於得請具本馳啓果蒙俞允公又慮事  
近迫或有中止督郡邑刻期構造令撤僇近庠寺  
之材以用之費省而功速民弊永祛遂為萬世之  
利安旺雖嘗有意非時公志同事札昌融成我以



此蓋服公碑名

尹叅判奎之為關東方伯下畧原州由平昌郡至江  
陵府之月精寺仍兩留宿有厖眉老僧氣槩溫豁  
公使之坐而相語仍問曰汝久居路傍之寺監司  
之所不可為者何事歟僧曰貧道雖有可言使相  
其能聽而信之採而行之乎公曰筭言之僧曰願  
相谷勿罰報快使稽留之罪公曰頑慢之詔不違  
可乎曰不然各官報快使尉以貧寒官屬差之衣  
不蓋休食不充腹凍餓顛仆不能赴常時尚然  
况水漲雪塞之日其能飛渡江而凌樹杪乎一日  
遲滯責罰隨之宗非仁怨之改也公曰又有可言

軟僧曰願相公巡行之日必從先文勿為進退公  
曰何以言之僧曰候吏久留境上之弊不足言也  
而作粥烹糲翹首以待令月停行明日不來經宿  
之物不可留用奔走村野求責甚急民之受害亦  
大矣公曰又有可言者牧僧曰願相公毋厭妓公  
笑曰師言及此抑有說乎僧曰在物之妨政害治  
固非山人之所可知也而一妓之行必有房婢与  
從奴列邑吏供贈賂之煩各驛卜厭轉輸之弊有  
不可勝言矣公曰諾吾從汝言公於一暮之內寬  
簡為治務盡除弊民至今稱之松窩雜記

箭串為旺家牧場在前設木柵輪定於歲邑以民結

造排逐年修改吏緣為奸弊甚不貲尚成安公為  
司僕提調建白償布募役等之以石其弊遂絕當  
川流未等處鉄索開閉皆曰規畫時癸丑甲寅年  
間歲頗飢或以時屈為言公曰与其徒賑以糜穀  
不若因就以立事此乃春秋興功後以聚失業之  
意也清江小說

朝廷設正供都監欲矯貢物防納之弊李公鐸為提  
調夙夜憂勞思善矯畫而上志不欲更張衆論  
不一公謂人曰先王成憲雖不可變法久弊生不  
可無損益今苟仍旧不能變通則宣今日救焚極  
溺之意乎行狀



李士亭拜牙山縣監赴邑問民疾苦有以池魚為苦

蓋邑有養魚池使民輪回捉納民甚苦之土亭乃

塞其池永絕後患凡出令皆以愛民為主

東坡師友錄

栗谷先生白上曰流俗之論皆以施設為喜事曰

循為安靜小臣非欲騷擾也只是積弊痼疾不可

不救正故也若如俗論則不改一弊坐以待亡而

已畢竟何能保存乎願殿下恒存有為之志漸興

善政以無失士望以濟赤子也

栗谷外集

先生又曰日者近訪求言矣未聞用某策救某弊如

此則徒為文具何以應天變乎上曰何以則可

應天變乎栗谷曰若殿下不先立適莫之心与

大臣及識時務者商確救時之策不以更張為主亦不以膠守為主祖宗良法庠而不私者則修私之近規之貽患於生民者則革除之新策之可以利旺活民者則講行之如是勤求匡救之本日有所為則人心漸可變世道漸可回而天怒可弭矣不然只以恐懼修省為名而無其案則將何以上答天心下慰民情乎尚

栗谷先生常白 上曰作人之效雖非一朝可見弊習傷教者不可不革今者士之初登第者四館目為新來汚辱侵虐無所不至夫豪傑之士常以不科亂為念况使之毀冠裂服盡喪威儀以矣庶恥

然後乃登仕版則孰肯為用于中朝則接待新恩  
之人禮貌頗重若聞此事則必以為胡風上曰  
侵虐何意時於何代珥曰文獻無徵但聞之麗求  
科舉不公登第者貴家子弟口尚乳臭故時人目  
之曰紅粉榜人情憤激遂北侵辱云上曰可平  
也特命痛禁其弊少減宣廟室鑑

栗谷先生白上曰今者民困日甚若不更張無以  
為旺非欲變祖宗之法也至如貢茶是燕山所更  
定非祖宗法也臣非欲更張欲救民弊耳上  
以紀綱不振為難先生曰紀綱之在旺家若浩然  
之氣在一身浩然之氣是集義所生非一事偶合



於義而可襲取之也。須是朝行一義，暮行一義，  
積予身，仰不愧，俯不怍，然後浩然之氣充滿流行。  
紀綱亦然，非一朝發憤而可立也。須以公平正大  
之心施之政事，直必枉，枉必錯，功必賞，罪必刑，則  
紀綱自立矣。東坡師友說

聖王之法盡善至義，因時制宜，中無以加矣。而久則弊  
生者，亦理之常也。必有損益變通，以緬其後。然後  
聖人之心長存不死。仁愛之澤萬世賴之。若夫  
祖宗之心，即聖人之心也。豈欲使斯民久困於法  
弊之中而莫之救耶？且先王良法，義意多，庠序  
行而後來忝設科糸，以為聚斂病民之制者，守之

益固此又宣務遵成憲之意耶臣愚狂僭敢願聖  
朝無先有造莫之心唯取事理之中一以安民為  
義詢訪大臣極知稱停別立一局名之曰革弊都  
監以大臣領之其僚屬極一時之選凡祖宗良  
法庠而不行者修亂之久而弊生者損益之重欽  
之害民者去之新法之利民者行之會計吐家一  
年經費凡式貢之法量出為入稍存贏餘以備不  
虞為准而賦之於民僚屬分司八道使之巡行郡  
縣審覈戶口田疇之多寡物產之有無均數平定  
曲盡周詳而小縣之可并者并之冗官之可去者  
去之則賦役之歛什減五六而田里之氓皆得安

其生業矣賦役既輕則民無流亡而兵改可修矣  
此今日救民急務之第一義也 牛溪辛巳封事

辨誣

正德己卯歲太學生詣闕上疏其下舍諸生回到鍾  
樓前列立路邊奪某甲仗巾裂破曰此父子相  
不可遽於五倫某甲痛哭而棄明日呈憲府卞正  
辭所連及六七人多有名宿儒而卒不得言之始  
自出時趙靜庵為大憲進某甲而語之曰此事之  
卞在汝而已今日之後汝若歸躬自修以善人間  
則今雖不卞人必曰前言誣矣若汝行事乖戾以不



善人聞則令雖得卞人必曰前言不虛耳其卞与  
不卞直在於汝汝其勉之某甲遂叩頭而出其後  
一鄉果不以相與為疑論者以為合之此斷於延  
疑之道初人之善兩得之矣

裨官雜記

明廟常御夜對承旨許曄經筵官李遘尹根壽入侍  
曄言趙光祖以正士為小人所陷而死其時至以  
經過市里之時人皆致敬以得人心為罪昔宋司  
馬光自洛入朝衛士皆手額此皆欽仰其德而然也  
豈可以此而疑之乎自上當察其無辜也且具  
壽聃素有直名上亦嘗教以直亮之言果發於  
經席廵目一時之論至被重罪亦為可矜根壽亦

從而進啓如暉言 上皆不答翌日西司劾暉好  
生議論眩亂是非遠之是時李戡李樛等方柄旺  
論遘即於其日泄之也根壽亦斥除果川縣監東  
閤稊記

松江鄭公澈因治己丑獄大為東人所怨有因曲經  
進言以為將謀殺金嬪及信城君者 上以公為  
信誠君婦翁也一日問公曰澈量雖淺狹覩其心  
事垣蕩真君子人也此不過異己者欲殺澈而造  
此言耳臣請以百口保之 上意稍解申巡臬傳  
李忠武公舜臣被拿時有一御史欲陷之來自開山  
人啓曰聞清賊渡來掛峙七日不能運動而舜臣

未克討捕是日慶林君金俞元八侍經筵曰倭

賊慣於舟楫掛峙七日言之似虛上曰予意亦

然矣及元均敗公再為統制使年普

黃秋浦年譜云丁酉仁弘嘆其徒朴惺始以搆殺崔

永慶加於牛溪先生至是又嘆其徒文景虎復述

惺說而添以遺君之目蓋戊戌以來群小爭柄紛

拏益甚上兩屏之而士類稍稍進用於是羣小

又假永慶以為綱打之計也公乃引避曰臣自弱冠

以來受學於成某之門每聞稱永慶家行節孝唯

以不讀書少見識不能善居鄉為短處耳及己丑

獄起賊黨招薛以吉三峰為賊魁而繼有賊招以



吉三峰為崔三峰者又有智異山下居生之說于  
時飛語遂指永慶為三峰中外喧傳殆不勝其嘵  
臣於庚寅春適忝正言訪某於其茅某謂臣曰  
永慶居家孝友且有氣節雖多有病痛其長處則  
可尚近有飛語無根之說極為無理或有舛言者  
切不可雷同也其後果有舛言於完席者臣以為  
聖明之世不可以飛語罪人此論遂止當此之時  
臣實未知永慶之為人而因篤信師友之論力言至此厥後臣旋補外任  
某亦退散家鄉經月之後獄事始發至於再鞠之啓則在於永慶蒙赦之即日某在百  
里之外何從而與聞乎然則某之終始無干預於  
此獄也不待下說而明矣景虎輩何人而敢肆誣

罔於天日之下此不過為人指嗾欲試傾軋朝廷  
之計耳其言不足与之相較而景虎疏中有曰門  
生黨徒忝居要津臣是某之門生不可仍冒言地  
請命罷斥執義李成永等啓請出仕而舉當時  
上教天網恢恢渠固難逃之語上盛怒傳曰永  
慶已鞠之後君既命放而兩司論之是何意黃某  
何其所歸謂佞疏為指嗾稍制杜絕俾不得芥云  
合引入呈告遽付軍職即出郊外待命

已卯有大內咀咒變多指疑貞明公主公主即宣  
廟出也上欲令朝廷難治之合伏閤極陳其不  
可上始則震怒終乃寢之仙源金公死於江都

上初以案狀難明疑之公痛陳其忠節卓絕上

感悟始行追典中景禎神道碑

獄訟

柳夏亭觀為刑曹判書啓曰人之氣稟輕悍剛果  
柔懦怯弱不同故或有真犯而能耐箠楚終不招  
承或有被誣而不忍苦毒終不脫免者掌刑者惟  
喜人之承服不顧人命之重設法外之刑多方掠  
訊其罪未著而已斃於挺下有違聖上好生之  
德乞令中外用刑者止依律文以行拷問其法外  
之刑一切禁斷常令辨其辭色驗其證左要明其



真偽不得妄加搖撼

上嘉納之

吐朝室鑑

甲午旺家以公私奴婢爭訟雜沓積年不決人多冤  
滯為設下正監分房釐之尹文度公為第十房聽  
理明允案無留牘人無隱情時有兄弟相訟其兄  
不勝訴憲府諭曰尹公素行正直見事明審必無  
枉其兄指天誓曰枉則尹死無枉則我當死此俄  
而出未及門而暴死一府驚異之

行狀

黃烈成公守身掌決都官奴婢之訟牒訴雲委台始

入官謂僚佐曰天下豈有難斷之事取旧案牘一

覽盡得情偽處決風生庭無留訟名

臣錄

權安肅公蹲聰明過人明達吏臚嘗為讞府決獄如

神有二盜殺一家三人情跡稍存贓證未白前後  
官吏首鼠未決四五年一日安肅前二盜而語曰  
爾輩情跡甚明敢匿不服我有一語爾無遁情爾  
輩初認為盜如是如是中為作賊如是如是終始  
未本俱陳之如是如是爾敢隱乎我盜相顧吐舌  
曰此公莫是曾為盜耶何悉我情跡如是遂服  
筆

苑稌記

韓襄節公確在政府凡持身應物一槩於正事有是  
非議論未嘗回互處之性本仁慈至於訟獄必以寬  
恕為主嘗謂府佐曰與其殺不辜寧失不經若稍  
有可疑之讞莫如申而活之其操心乃如是碑名

洪允成之判吏府也其叔父某甲乞官其子允成曰叔  
父若以某地水田二十斛下種者予之當從之其  
叔父曰谷何向我出此言也昔公之困不得志衣  
食於我十餘載其他依賴之事秋毫無非我也今  
日公身為卿宰師不得官我一子予允成恐其語  
播擲殺其叔於座中遂埋園中其妻欲狀訴而刑  
曹不受憲府不聽當直不許皆畏允成勢焰也  
光廟之幸溫陽湯水也其妻預於所當過道停夜  
登柳木而待之乘輿戾至間樹上籲訴聲使人聞  
之其妻曰所言關於權臣跬步間必有變言語不  
敢說与也上住輦命下之其妻前對甚悉上



大怒欲誅允成為其大功立誅其蒼頭十人而行  
青破剏談

姜公希孟為刑曹判書剖決明敏獄無囚人旧例以  
圖空啓之則有賞下僚欲啓之希孟不聽後沈貞  
為判書亦一日獄空方欲啓知遠有捕告犯牛肉  
者貞語老吏曰鹿肉甚似牛肉吏揣其意即論以  
鹿肉釋之遂啓獄空蒙賞已而士類或死或竄配  
甚多貞案下手而乃欲得刑措之名其矯誣無忌  
甚矣若希孟之搗譌可謂有君子之度矣  
東閣雜記  
尹文憲公子雲居近侍夙夜匪懈以典刑謝明慎平  
反  
光陵曰人君雖有好生之德任刑獄者不能

精白一心輕重失宜人主安能親執其事予子任  
子雲保無虛矣子与子雲斯獄是日乃安寢食矣  
自是眷注日隆碑名

思齋撫言曰丙子年予以掄詳直宿持牌人夜半叩  
門促召顛倒詣闕則上坐思政殿禁府堂上及  
三分八侍拿致兵曹判書柳聃年同知事李長生  
于殿庭余與鄭雲卿以問事官入忝盖有賤人告  
聃年等謀逆今夜會闕門而散也其宗告者告意  
邀賞先以判書言憑邊警事通告于同知及他武  
班人使之會于闕門構成事跡欲索所告也有內  
禁閱崇英者當先問余承命鞠問以今夜有出入

與否則戰慄失措欲諱其來闕門事余潛解之曰  
現今日獄事直則免不直則不免慎勿驚怖直輸  
今夜之行止崇英解聽余言直輸不隱事竟得正  
大抵獄事聽下不詳專以辭語之違巡加刑訊則  
未有不枉若以崇英辭錯加訊誣服則判書等亦  
不免逆罪矣聽獄之難如是

余為黃海監司時延安有百姓李同者方食與其父  
相詰亂食鉢投打其父留鄉糾亂告本府本府具  
辭呈報余以事干綱常大罪即定同推鞠之欲置  
重典推負不加刑訊即無辭輸服緣法例監司必  
親問決案啟聞未久巡掣本邑恠其易輸命將囚上



階問之曰汝重作罪當死汝知之乎曰但被捉置  
輸吾情竊不知其他余曰父子有天地君臣之分  
不有父則何有汝身故勤事父母為孝子毆打詈  
罵為惡逆汝以鉢打父地以犯天臣以犯君於法  
當死故吾將決案處汝於死囚瞿然失色曰早知  
吾罪至死則當初豈敢抗父被推時寧受杖自諱  
耳何巡直輸也吾竊不知父重至此平昔每因相  
詰或詈罵甚則或以物抵打此吾常事也今而後  
始知父母之重至於此極也今公子濟拔今姑  
勿我罪也後當勤事吾父余聞而哀之曰不教而  
刑是謂罔民也此正無教而然也愛親敬上雖是

天性之良能蠢愚之民豈能自興乎古者導之以  
德齊之以刑讀城旦以教民良有以也令推官暫  
杖警而赦之始知用法不可膠柱也 思齋撫言

合齋雖能文章而無宗材嘗判刑部訴訟填委不能  
決因繫蒲獄獄不能容公請加搆獄舍 中廟曰  
不若易判書何必改搆遂以許磁代之許裁決立  
盡因圖遂空 潯溪記聞

仁廟朝有訟於刑曹者呈駕前上言訴寃 上命入  
作文判書尹任平堂上詣闕啓曰自古未有八作  
文之時上曰人君欲親見作文以下其寃而訟官  
有違禽不入之時乎任曰此人之訟來本曹無幾

日其元作則在全羅道某郡命以三縣鈴取來經  
到京師而 上病篤未及御覽惜哉人之有冤訟  
官多抑而不伸 仁廟因駕訴欲細究顛末不聽  
防啓而至用縣鈴取之可見 仁廟之斷而尹任  
之專矣 裨官襍記

奇高峰大升八侍朝講

啓晉州獄事

河宗岳妻失行事也

首尾

則不知矣但聞其啓本時無指定處而云前年刑  
推今年刑措繫獄者甚多一人則已矣豈無其中  
曖昧之人受刑者乎曰偶然事而為大獄如此則  
自 上察見則好矣 上曰此啓本昨日始入暫  
見初面未能詳知然而其所犯似無著見而為案



延矣先生曰好事最難知之然人皆知之而至於  
一鄉言之終發於公論者其事不必而然也事于  
推閱者非止一二而不得端緒云世間或有所憎  
者則出於一人之口而終至如此者有之矣更推  
而不得端緒事于至於三四次受刑豈無其中冤  
枉者乎此大事也不可請為開釋但古人欽哉欽  
哉惟刑之恤哉如此獄事不無橫羅自上省念  
則可以尊養和氣矣

年譜

李叅贊夢亮在湖西有一人被盜劫而執之持縣牒  
至盜獄已具公先問本人家產及盜所持器服人  
乃人奴而富盜不過竄竊士人耳公曰此必士人

來討強奴而反遭執縛不才官吏從而成獄也曩  
詰果得其情抵罪一道稱其神明先在錦成黥一  
豪家非理之訟及八銀金有刑曹曰本道牒而啓  
決下者即前非理訟也公外之同僚曰藉令訟官  
誤決監司必不与右之咸曰文具何疑公更察其  
印迹果有好事竟故正蓋此類甚多碑銘

鄭栢谷寬壽壬申春以館薦授義禁府都事公欲辭

不仕母夫人力勸強仕黽勉就職應陞經歷公素  
曉法典又長於吏材一門未訖獄情俱澈筆翰如  
流詞理兩盡凡囚之所欲自露而未能者並皆洞然  
於一筆之下老囚宿獄皆欲就訊於公嘗問囚數

十頃刻而畢堂上諸宰咸咄嗟以為真奇才也常  
思左右淑問懼不免仰奉欽恤之心原情按律多  
所伸釋苟存心於愛物於人必有所濟者乃平生  
所誦以自勗者也拜掌隸院司評即古之都官佐  
郎也聽理必審剖決必當在官十朔竟無重訴一  
日有与姊婚爭奴就庭者乃先世故人之子公惻  
然興念喻以同產之義有不可以一奴而構訟者  
且引世分披喻激切彼即感服停爭而散奴於姊  
是夜夢其先人來謝致款行狀

鄭寒崗述拜咸安郡守之郡時有昌寧人疑獄即父  
子之變也推官受賂叅證畏禍淹滯未決物論皆



憤監司移訟于咸安先生反覆窮詰端緒畢露其  
老畏其明自伏無隱得父子以定物論狀之東  
坡師友錄

南原有一富民性素癡騃惑於左教積累高僧之業  
盡敗事佛只餘穀頃之田而又緣求福舍施於萬  
福寺名老僧老僧以後言為契則至成永放之券以  
表其誠自後無以糊口竟不免餓死只有零丁一  
孤兒行乞道路亦將朝夕填壑不得已具狀呈于  
本府以冀推還則府官取考文卷退然又呈于方  
伯則方伯亦如是屢訟而屢忠呼訴無效只待死  
日遠聞新按察白麓辛公應時仁於孤獨明於聽

新到界之日匍匐往訴則手批狀尾曰舍施田土  
本為求福而身既餓死子又行乞佛之無靈掘此  
可知還田於王收福於寺其子藉此還推得以全  
軀命復祖業一道稱快至今傳說

續玉露

辛副學應時為光州牧使日治簿書無少倦怠而其  
於按獄尤盡心焉有明大賊擊殺其人將死曰殺  
我者某甲也其妻來告即捕某甲訊之無驗且多  
有疑端合爭之於同推官及監司而不能得未幾  
有僧行劫就鞠而服目歷數前後所殺則其人亦  
在其中其妻認其僧所取條帶而號泣曰是吾夫  
之物也於是某甲得免行狀

星州人縣監柳禮源家居大丘有男長曰游次曰淵  
游有志于學一日病風出亡在外無跡可尋有蔡  
姓者慶山縣官屬也嘗嫁游女覘知其家事而蔡  
亦出亡遇游於他方坐卧與俱柳之有心蔡悉志  
之雖纖毫宗事無不知之游之去後八年柳之姊  
翁宗室達令與蔡通謀圖利於己佯以蔡為游殺  
淵而共分其財以書貽淵曰此真汝伯也急來于  
京可與偕飲淵諦視狀貌心知其偽而欲徐觀其  
變強與俱來到其鄉遍請親旧審視之是之輩有  
一二而淵具告本府其時為太守者謀主先入顧  
以淵為誣不因於獄而拘於人家蔡賂守者秉夜



脫去人皆以為淵殺其兄而滅其迹投之水中聽  
者不察自近傳遠聞於朝廷拿鞠王獄竟致大辟  
厥後朝廷聞柳蔡並匿海西而柳改名天裕移書  
郡縣逮捕二人蔡自知罪大中道自我械柳至京  
其鄉之仕于朝者曰此則真游也三省並鞠竟得  
其宗以病將見釋上以為父死而不奔喪茅刑  
而不雪其冤雖曰病風烏得無罪配于瑞興龍泉  
驛放散其鄉居數年而死淵之憤怒雖少洩自古  
及今孰有如淵之独抱萬世之冤者哉古之三覆  
五奏慎於刑如此掌刑法者以淵為戒以古為法  
則捶楚之下豈有冤枉之人哉

竹園閑話

逆人柳世昌謀欲邀功受賞聚鄰里愚昧小兒相与  
離戲錄姓名為作契之狀誘會于家因飲博賭取  
各人之衣曰來日可備酒來退衣去皆令散去潛  
害各人姓名及謀逆辭緣割衣領納之還合縫藏  
之翌日依約皆至還与衣衣之即日上凌告命皆  
拿致闕庭鞠問了無他驗世昌供請開衣領縫見  
之可知即依供開見果有書錄謀逆之謀無辭就  
服數十人皆伏誅杖死者甚多其殺人年甫十五  
六風種蒲頭為所誑誘被誅聞者寃之吾家表從  
兒自在襁褓性氣昏愚不辨菽麥遇有衆會處則  
驚惑失措故族門昏喪祭祀之時畏怯人衆不出



頭面與世昌遠同門戶亦為所誑被誅故予最詳  
其由天下事有出於料外者類是亦可為聽獄之  
戒思齋撫言





